



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Instrvctio R.P. Ignatii Balsamonis Societatis Iesu,
Theologi. De Perfectione Religiosa, Et De Vera Recte
Orandi & meditandi methodo**

Balsamo, Ignazio

Coloniæ Agrippinæ, 1612

Cap. XXXIII. Alia documenta ad meditationem pertinentia.

[urn:nbn:de:hbz:466:1-48888](https://nbn-resolving.org/urn:nbn:de:hbz:466:1-48888)

ALIA QUÆDAM DOCV.
menta ad meditationem per-
tinentia.

CAP. XXXIII.

PRIMUM sit. Si eueniat, ut sa-
pissime accidit, ut in meditati-
one primi vel Secūdi puncti a-
nima copiosam inueniat considera-
tionis & profectus materiam, non
esse festinandum ad reliqua puncta,
sed eidem tamdiu immorandum,
quamdiu neces. è fuerit, etiam si ho-
ra meditationi præstituta, in vnius
duntaxat puncti consideratione ela-
batur: tātummodo curandum, ut to-
ta meditatio colloquio finiatur.

Psal. 38

II. Non est subsistendū in sola cō-
sideratione & cognitione rerum, sed
ultra progrediendum, & permouen-
dam atque inflammandam esse volū-
tatem, ut fiat quod Propheta regius
dicit. *In meditatione mea exardescet
ignis.* Affectus autem, qui in volunta-
te inter meditandum excitandi, sunt
hi: amor, timor, tristitia, gaudium,
spes,

ORAND. ET MEDIT.

Spes, desiderium, admiratio, confusio
sui ipsius. Itaque meditatione oportet
non esse aridam, neque in pura
speculatione sistentem, sed affectuo-
sam & plenam interioris gustus: ita
ut ex unoquoque puncto considera-
to, fructus aliquis eliciatur, medi-
tatione ex his quæ percipit, reflexio-
nem aliquam ad semetipsum faciat,
& ea quæ Spiritu sancto inspirante
in oratione discit, exequi proponat.

III. Ad rectè meditandum plu-
rimum adiumenti adferunt senten-
tiæ sacrarum literarum: ut propterea
non inutilem rem meditans factu-
rus sit, si de materia quam meditati-
urus est, præparatam habeat unam vel
alteram insignem S. Scripturæ senten-
tiam, ut si de sui ipsius cognitione &
hominis miserijs meditatio futura
sit, proderit considerare illud dictum
S. Iob. *Homo natus de muliere &c:* vel
si de amore Dei erga hominem, utile
erit hanc Christi Servatoris senten-
tiam expendere. *Sic Deus dilexit*

Iob. 14.

Ioan. 3.

mundum &c:
IV. Similitudines quoque medi-
tata-

tationem vehementer promouent;
quia visibilia huius mundi ad cogni-
tionē inuisibilium & spiritualium,
nos per ducunt; exempli causa:

Si considerata sint gaudia cæle-
stis gloriæ, proderit similitudo ex
cōiuijs, nuptijs, diuitijs, honoribus
& voluptatibus mundi huius de-
sumpta. Similiter si contemplanda
sint Inferni supplicia, conferet non
parum, grauissima huius mundi ma-
la & supplicia, ante oculos propo-
ta &c.

Applicatio sensuum.

QVINTVM documentum spe-
ctat ad sensuum applicationem, quæ
meditationem mirum in modum ad-
iuuat, sed locum tantummodo inue-
nit in meditationibus, materiã cor-
poream habentibus. Sensus igitur
inter meditandum applicare, nihil
aliud est, quam imaginari nos, vide-
re, audire, odorari, gustare, & tãgere
spiritualiter personas in meditatio-
ne contentas, illorũ vestimenta, ve-
stigia, & omnia ad illos pertinentia,
attamen omnium cum humilitate ac re-
ueren-

uerentia. Hæc autem applicatio sensuum fit ferè separatim à meditatione, & alia hora, vel si eadem fiat, meditatione & intellectus ratiocinatione finita, vsurpanda erit.

Est & alia species applicationis sensuum, quæ nihil aliud est, quam cōsiderare, exempli gratia, quid Christus Seruator noster in vnoquoque sensuum pertulerit: vel quantū gaudium & voluptatem Beatiss. Virgo Maria, de Christo Domino nostro per sensus acceperit, illum intuen- do, tangendo, audiendo, &c. Considerare quoque, quæ gaudia Beati in cælis, & quæ supplicia damnati in Inferno, in quinque sensibus exper- turi sint.

REMEDIA CONTRA DI- stractiones.

CAP. XXXIV.

SEXTVM pertinet ad distractio-
nes meditati superuenientes, & *Eccles. 10.*
suauitatem vnguenti tanquam mu-
scæ mortuæ corrumpentes, quarum

✠ 7. nosse